

千斛牛羊勞吏士立還歸郡與妻父翁指與與子邪務

收餘兵迫脅旁二十二邑反至冬立奏募諸夷與都尉

長史分將攻翁指等翁指據阨為壘立使奇兵絕其饒

道縱反間以誘其眾師古曰間音居覓反都尉萬年曰兵久不決

費不可共師古曰共讀曰供引兵獨進敗走趨立營師古曰趨讀曰趣趣

向也立怒叱戲下令格之師古曰戲音許宜反又音麾解在高紀及灌夫傳都尉

復還戰立引兵救之時天大旱立攻絕其水道蠻夷共

斬翁指持首出降立已平定西夷徵詣京師會巴郡有

盜賊復以立為巴郡太守秩中二千石居賜爵左庶長

師古曰第十爵也第徒為天水太守勸民農桑為天下最賜金四

乾隆四年校刊  
前漢書卷九十五  
列傳  
七